

登記證警字第三七二二號  
中華郵政特准掛號認爲新聞紙類

第二十九期

十月一日出版

# 鳴謝助欸

敝刊自出版以來極蒙 義士賢豪輔助吹噓之力以致敝刊之銷路大有風行全國之勢今又蒙  
諸善士捐助刊資尤爲輔助之熱誠也敝社全體感激肅此敬佈藉伸謝誠並將本期助欸之 台銜列左  
上海 張柱卿 李樂靜兩先生各助大洋五元 北平 紀朝元 齊克勤兩先生各助大洋五元  
本市藥業同業公會每年助大洋八十元  
天津市國醫正言報社同鞠躬

# 國

# 醫正言

劉嘉琛題



國立北平圖書館藏

丁福保 謝利恒 陸淵雷

祝味菊 朱少鴻 王一亭

介紹

# 名醫江陰曹穎甫先生著

## ▲金匱發微 ▲傷寒發微

先生為海內耆宿，詩文書畫，名重當代，醫術宗法張長沙，歷任上海中醫專門學校等教務主任，先生以傷寒論一書，為千古治病準繩，嘗以數十年研究心得，及歷來治病經驗，闡發精義成傷寒發微一書，學者爭先購訂，現擬再版，先生復以注釋傷寒之法，成金匱發微，刻已出版，無論初學及已行醫者，備此二書，則研究參證，有左右逢源之樂矣。

### 門人

丁濟萬 王慎軒 陳存仁 許半龍 章成之  
沈石頑 虞舜臣 王一仁 秦伯未 張贊臣

### 校訂

金匱發微用西式裝訂布面金字都十餘萬言合訂一大厚冊每部實價三元若同時購傷寒發微者每部祇收半價國幣二元以示優待另加郵費每部一角三分

上海寶山路頤福里六九號光華醫學書局 上海梅白格路二〇四號醫學書局經售

# 國醫正言第二十九期目錄

## 一 文件

- 福建省晉江縣中醫公會爲國大選舉告全國中醫界同人書
- 山西中醫改進研究會爲制止侮辱中醫文字上中央國醫館文
- 南京市國醫公會爲國代選舉令出兩歧分呈各機關文

## 二 辨駁欄

- 瞧了陳无咎妄詆「中醫六氣只有一氣」之說後感言（續）……………阿琴
- 爲陳无咎推翻中醫六氣進一言……………譚活水

## 三 論壇

- 春傷於風夏生殞泄論……………陳應期

## 四 專著

- 聖方治驗錄（續）……………鄒趾痕
- 經方實驗錄（續）……………姜在景

## 五 六

- 雜病論新詮（續）……………邢錫波
- 國醫傷寒課義（續）……………陳澤東
- 傷寒問答（續）……………沈肖卿
- 傷寒要略（續）……………張蘭亭
- 食物本草專欄（續）……………王維仁

## 六 七

- 雜誌……………
- 桂枝湯非發汗劑（續）……………潘柏辰

## 七 醫界消息

- 劉瑞恆案檢查官起訴書（續）……………

## 八 專載

- 皖省時疫蔓延……………
- 中醫衛生設施方案（續）……………陳東澤

## 九 社會義務欄

- 另有木欄目次……………

# 醫學家張贊臣主編西界春秋是國醫界倡導革新的唯一的月刊

出版九年。風行中外。以科學的方法來整理我國固有之醫藥。資望最老。信用最著。以真正的態度來評判中西學說之優劣。

彙訂 第五集 第六集 第七集 第八集 全書四厚册 另送月刊全年一份

本刊始創於民國十五年四月。迄今九載。發行以來。從未脫期與停頓。信用卓著。有口皆碑。且對於歷年之國醫運動事業。(如力爭中醫列入學校系統及反對廢止中醫案參加中央國醫館等)莫不首先奮鬪。故久為社會人士所稱道。銷數遂為之日增。回憶昔年第一集彙選。及第二。三。四。集彙訂等。出版未久。即告售罄。茲因各地同志之需求。特將第五。六。七。八。年之月刊搜集彙訂。分裝成册。共計四集。分列如下。

- 【第五集】係集合第四十九期起。至第六十期止。即第五年份所出版者。
- 【第六集】係集合第六十一期起。至第七十二期止。即第六年份所出版者。
- 【第七集】係集合第七十三期起。至第八十四期止。即第七年份所出版者。
- 【第八集】係集合第八十五期起。至第九十六期止。即第八年份所出版者。

以上每集原售實價大洋二元現為優待起見一律再打九折

## 內容舉要

：論壇。學說。專著。藥物。研究。討論。筆記。醫案。特載。治療。實用驗方。醫藥雜錄。問答。通訊。醫訊。餘興。附錄。文苑。等欄

## 發售特價

：凡購買以上彙訂。不論何集。概照原售實價(每集)洋二元。再打九折。郵費奉贈不收。以示優待。

## 贈送月刊全年一份

如能同時合購彙訂四全集者。祇收實價大洋六元四角。另行送閱第九年份月刊全年十二册一份。(自第九十七期起至第一〇八期止)又價值大洋一元之『世界醫報彙訂』二大册。若單購一集者。月刊醫報庶不贈送。合購全書四册者國內須另加郵費六角。國外郵費三元。如單行定閱月刊全年一份者。連郵大洋二元。不折不扣。如此良機。幸勿失之。

總發行所 上海白克路西祥 中國醫藥書局 康里第七十七號

## 文 件

### ▲福建省晉江縣中醫公會爲國大選舉告全國中醫界同人書

請出席代表建議政府設立中醫行政機關以發展一切中醫事業之商榷

竊維國民大會代表名額列職業團體產生者居全數十分之三而我中醫懷有專門學術者且蒙遴員指導防其隕越扶植提携無微不至再四思維必非無因蓋我政府賢能薈萃籌謀肇劃自有定見第念各業參差利害不等苟不假以時日任其剖釋事未經歷保無掛漏白璧微瑕所懷未盡用是懇懇訪求惟恐或失耳嗚呼盛會難逢良機不再使我中醫自甘隱諱緘默不言固幸政府盛意實絕我道前途一髮千鈞當仁莫讓爰佈區區用備參攷惟我同人其垂聽焉

自廢止中醫一案提出後全國同道刺激深重亟謀自存無時或已爲其無有組織必難一步驟也所以各地公會先後成立指不勝屈爲其必有育才得資以傳後也所以各地醫校紛紛創立爲其若無條例不足以爲保障也所以再接再勵籲請政府公佈必至施行而後已此之爲我道謀者可謂至矣盡矣蔑以加矣然而各地醫校請立案者無乙獲准非貶名日鮮能倖存條例公佈半年迄無部證可領無論法律地位無論社會輿論比較以前是亦百步之等於五十步耳此無他我政府總理萬幾百端紛躋尙無遠計及專司中醫行政機關之設也夫中醫之爲專門學術壽國壽民之歷史固爲世界歷來所公認而其久廢待理亦無庸諱當此之時延攬專家負責整理經緯萬端猶恐不濟矧係假手外界抽身兼顧真相未明無從措手對於醫校造專才而資傳

後者則謂無此系統不准設立對於部證嚴攷核足以甄別者則請領辦法規劃半載迄無明文嗟嗟天憐幽草雨不遐澤藉非改絃易轍奚以補救將來此專司中醫行政機關所以亟宜請命創設也或難之曰國家之以衛生署司醫政者已有年矣誠如所言得勿權柄不一耶且今國帑支絀安得巨款資其展步乎曰是知其一未知其二也譬如軍隊一部份言國家所以統制而指揮之者陸海空軍各有專員不見其贅究不知衛生署之對中醫無甚關切事實具在固難曲諱今所欲請設立專司中醫行政機關旨在中西醫之分治安見權柄不一乎如言經費不充未敢措手是直因噎廢食而不善治者耳苟能化裁有道豈難爲力也哉今我中央國醫館對於醫校之設立醫書之編纂種種改善均有計劃徒乏推行之權能致有收效遲滯之抱憾誠能扶植擴充加以政權成立爲中醫行政機關則在國家歲出所增斥費有限而該館向所聲劃整理專從宣傳入手者既得行政權能可以剛柔兼濟迅速推廣進行一切中醫事業得以漸見實施隔閡既除舟行順水重興絕學左券可操不惟嘉惠中醫是亦造福黎庶孰謂中醫行政機關可無專司之設乎

我道高明智識宏深對茲問題當能計及所望各地耆宿採納芻蕘進而教之是所幸甚

福建省晉江縣中醫公會常務主席黃潤棠謹啓 二十五年八月十五日

### ▲山西中醫改進研究會爲制止侮辱中醫文字上中央國醫館文

敬啓者，頃因各地出版物，多有謾罵中醫文字者，會上中央國醫館一文曰：查近來各界侮辱中醫之文字，每多肆口謾罵，不作學術之探討，非但命意膚淺，且於中醫學術全無絲毫之認識，徒作狂犬之吠，以售其眩惑世人之伎倆，其情可鄙，其心叵測，不事防範糾正，則鄭聲亂雅，滔滔之勢，於

中醫前途，有不堪設想者，興念及此，不勝危懼，謹擬辦法數條敬祈  
採擇施行，事關中醫榮辱，尤望羣起捍衛，以禦小醜，同仁幸甚，中醫幸甚，臨楮不勝翹企待命之  
至此致

天津市中醫公會

中醫改進研究會啓八月二十四日

### 制止侮辱中醫文字之辦法

理由 學術爲世界所公有，愈討論則愈進步，但應以學者之態度作善意的研究或批判，若超越此種  
限度，而以卑鄙之手段專肆攻擊詆毀者，則以侮辱中醫論，應依左列辦法制止之。

辦法

(一) 凡各地發見侮辱中醫文字時，立即抄送中央國醫館，以便妥籌應付之方法。

(二) 中央國醫館接到前項文字後，先以館方名義警告刊登文字之機關及作者，着其具函道  
歉，並登報聲明，立予更正。

(三) 倘第二項無圓滿結果時，中館立即通知全國中醫團體，共同聲討，並在各地報紙雜誌  
發表文字，以揭破其陰謀。

(四) 倘問題嚴重時，可由中館以合法手續提起訴訟，請政府查封侮辱中醫之機關，並懲治  
其作者。

## ▲南京市國醫公會爲國代選舉令出兩歧分呈各機關文

具呈南京市國醫公會常務理事楊伯雅張簡齋郭受天呈爲國代選舉令出兩歧懇予轉函持平處理事竊查

本會關於國代推選候選人之執行職員資格問題初奉

國民大會南京市代表選舉事務所市字第一一二號訓令本會以理事爲限並訂於九月九日下午四時半至五時半在市府大禮堂舉行迨及期全體理事十一人齊集會所正擬出發前往忽又奉到

國民大會南京市代表選舉事務所市字第一六四號訓令以常務理事爲限並以西醫醫師公會俱採委員制自應以全體委員行使推選權等因先後令出兩歧固已大惑不解尤妙在西醫醫師公會之組織亦復置有常務事實俱在有案可稽而竟目爲俱採委員制何以昭示國人彼時全體理事羣集會所受此挪揄不勝憤慨經伯雅等誓以據理力爭必求平允婉言相勸始各散歸伯雅等遂相率赴指定場所面請監選人員說明理由亦苦不能置答惟有瀝情具呈伏乞

俯賜轉函選舉總事務所持平處理非准本會全體理事予以補推機會卽應將西醫醫師公會非常務之推選票權一體除外必如此方昭公允否則實無以仰副

國府十日明令樹民權正鵠植憲政初基之本旨冒昧陳詞不勝惶悚待命之至除呈國民大會南京市代表選舉事務所外謹呈

(銜略)

# 上古天真論詳解

古渝鄒趾痕著  
全書一冊定價洋二角

外省加郵費一角

發行所

北平崇內溝沿頭甲三十五號



## 辨駁欄

▲瞧了陳无咎妄詆『中醫六氣只有一氣』之說後感言（長沙衛生報）（續） 廣東阿琴

上年余岩欲根本剷除中醫，即是先毀壞內經，迨內經不可毀，於是以政治勢力相壓迫，中醫同人，出盡九牛五虎之力，迫切請願，乃有中央國醫館之設，中館之設，係湖南譚故院長畏公之力居多，中央國醫館之職責若何，顧名思義，原賴以維持國醫也，維持國醫，應先維持國醫之基本學，縱屬國醫學說，或太古奧，恐後學難以領悟，則從而淺解之，與西說可通者，從而溝通之，斷未有推翻之理，今先生所持理論及名義，完全以西說為主，語云，食其祿者忠其事，先生領中館之俸，而不幹中館之事，不惟不幹，且從而妄毀之，吾不知先生之心肝何在也，君子曰，此亦妄人也已矣，噫……——完——

▲爲陳无咎推翻中醫六氣進一言（長沙衛生報）

（續）

馬來亞吉隆坡譚活水

六氣御病，自古有之，數千年來，方症具在，神而明之，可以起沉痾而臻健康，凡我中醫，無不知之，理論事實，昭然可考，古聖先賢，無敢議者，亦無可議者，今又何勞陳氏駁正耶。六氣足以致病，吾知陳氏亦非絕端反對，所反對者，乃陳氏高見，即主張「六氣只有一氣」，就是「風」，亦就是「空氣」，以爲言一氣足矣，無事再言六氣，又合乎西醫之言菌，而中醫學說備言六氣，似不如

西醫之簡，又引『莊子曰』大塊噫氣，其名曰風，王充論衡曰『風字從虫，蒼頡知之』，中醫說百病，『皆始於風』，西醫稱百病『皆原於菌』，原屬合轍，不得以中醫爲是，而以西醫爲非。至風之所致病，又復引『小學自然教材曰，空氣之流動爲氣，萬物非氣不能生長，但風力過度，亦能爲害，如颶風發生，則漂流船隻，毀壞房屋是』。——據陳氏所引，則六氣之足以致病，亦已自知『風』之一氣矣，其他五氣，依陳氏高見，以爲可以無事再言者，而欲主張以『風』之一氣者統之，非陳氏不明六氣之足以致病也，乃誤解於『風』卽『空氣』『空氣』卽『風』，並知細菌由空氣所化，西醫病理原細菌，中醫百病首言風，一時好奇心動，因之自作聰明，妄改聖經，欲強而同之，使合於西醫病理學說，以取容於當道時髦，保全名位，以爲可以希榮而固寵也。夫溝通中西，吾固首先贊同，吾之主張，亦固如是，且本此研究中西醫學，垂十餘載，深知乎西醫病理注重細菌而缺言六氣，卽爲西醫一大缺點。合而言之，細菌由六氣而化，病由細菌而生，故知六氣則知細菌，知細菌應知病原，所以治病則治六氣，治六氣則滅細菌也，至六氣化菌與致病之奧理，湖南吳漢僊先生『醫界之警鐸』一書，言之頗詳，陳氏可取而讀之，惟六氣大有區別，陳氏竟欲取一『風』以貫之，則誤天下蒼生者，寔由於此，吾不得不與陳氏辨矣。盈天空皆氣也，日月星地賴以運行，此往彼來，循環無端，其所以運行不息，亘古不變者，以宗教家言，則謂有一位創造天地萬物真神，主宰其間，以天文家言則謂以太吸力，由太陽發出，吸攝地軸，故地球向日而旋轉，運行其速，瞬息千萬里，故能懸空而不下墜也，以太陽之爲物，有如製造廠裏之汽機的總士多，各行星之運行軌道，有如各分部之士多的旋轉系帶，總士多一發，各分部之大小士多亦無不隨同旋轉而運行不息，必明乎此！然後可與言

六氣之變，夫六氣，本一氣也，陳氏亦自知之，而所以有六氣之差，而得名之以六氣者，則以地球運行旋轉，有背日向日之分，近日遠日之異，而六氣則隨之而生焉，其間所生氣體本無定型，分之百不爲多，分之六不爲少，中醫先聖祇言六氣者，蓋就其卓然可見者言之耳，非中醫不知六氣本於一，迂拘執泥，而待陳氏提倡一氣之說，以搗亂中醫——破壞中醫也。內經曰，「太陽之上，寒氣治之，中中少陰，少陽之上，火氣治之，中見厥陰，陽明之上，燥氣治之，中見太陰，太陰之上，濕氣治之，中見陽明，少陰之上，熱氣治之，中見太陽，厥陰之上，風氣治之，中見少陽，所謂本也，本之下，中之見也，中見之下，氣之標也，標本不同，氣應異象，」觀此，可知中醫治病，何嘗拘泥死守乎，陳氏所見，雖間有淺管中醫份子死守拘泥者，亦其個人中醫學識之不善，而非中醫本身學術之不善也，又有疑義可關乎。惟陳氏始終所大惑者，即在誤解「風」即「空氣」，「空氣」即「風」一語，所以胆敢謬然倡說以「風」一氣替六氣也，豈知六氣之於空氣，以變動言，固有時間和空間之別，以假定言，亦自有源同而派別之分，如此界限，毫釐千里之差，陳氏尙且糾纏不清，不就臨床診斷上察其如何辨症，如何處方，則平日視人命爲兒戲可知矣，夫風與氣之辨，陳氏且大惑若是，其他似實非實，似虛非虛，毋實實，毋虛虛等奧理，尤必大惑特惑矣。——未完——

### 湖南國醫學會會辦：**長沙衛生社**：擴大組織徵求基本社員

▲充當本社員有五種利益：(一)優美證書。(二)贈閱刊物。(三)通函研究。(四)銀質徽章。  
(五)銀質獎屏。(尙有其餘優待不及備錄) ●詳細辦法及入社志願書只以郵片通知即寄 ●  
歡迎各界加入  
社址：湖南長沙新安巷一號

# 天津市名醫診例

天津日本租界秋山街西頭路北

▲診例詳章▼

## 許從周醫廬

▲函索即寄▼

電話二局一千一百八十九號

每日上午九點至下午二點  
門診至下午六點  
急症隨時到診

## 趙瑞升大夫

專門 鍼灸

治理瘟疫白喉疔毒兒科每日午前門診午後出診  
急症隨請隨到

寓鼓樓東路北電話五局二七五八

## 李鴻儀醫士

專門 內科

▲午前九點至十二點門診祇收號金四角▲午後三點至六點出診一元二角租界加倍(上午掛號)  
寓河北大街竹竿胡同門牌六十四號

## 中孫鳴山精理

內科 兩科

門診一元

午後出診

診所 (河東老車站北小郭莊姚家台大街鳴和堂藥舖內)

## 中蘇周龢甫診例

▲門診上午九時至十二時... 號金五角  
▲出診下午二時至七時... 診金二元  
▲租界加倍  
▲附診一元  
▲寓本市東門內舊津道七條胡同門牌一號

## 論壇

### ▲春傷於風夏生殮泄論

廣東翁源陳應期

古語有云，春風解凍，春風送暖，言凍因風解，暖藉風送，可知風爲春之風，氣化氤氳，其吹噓所經過，洵足以化生萬物也，明甚，又何致有所傷乎，究竟人類不齊，庸有抵抵無力，於靜極時間，適有春風之扇微和，撲來迎面，慢不經心，祇覺呵欠其象，而口部頻張，噴嚏其形，而鼻竅頓塞，此殆風從口鼻而入，不免爲風所傷耳，夫傷則病，病則傷，未聞有前月受傷，後月乃病，如內經所載，春傷於風，夏生殮泄，是說也，真有令人百思而不得其解者矣，謹按風氣爲本，係是厥陰肝木，木動風生，風和木茂，令司春月，春旺於木，春暖其風，人則喜其暖而披襟，風則乘其隙而潛入，蓄而留之，蘊而藏之，積久延遲，遂致釀成爲殮泄，有交夏而始發者，此伏氣之爲病也，蓋春冠四時之首，風爲百病之長，春原木屬，風是木生，故不言木而言風，言風即可以咳木也，試思風木肝經，肝爲相火，火與木本相生，火與風又相煽，火氣一熾，真移其熱以下於腸胃之間，而潛伏其中，迨至夏火薰蒸，傳變熱濕，熱逼濕下，濕從熱瀉，此殮泄之所由來也，考之殮者食也，殮字從夕，言夕食也，泄者瀉也，泄字從水，言水瀉也，瀉淨所食之物，復兼糞水以盡瀉也，所以然者，肝之風木，於春則旺，脾之濕土，於春則弱，以旺木而尅弱土，勢必殮食腹脹，莫得化其糟粕，而且肝旺則職主疏泄，脾弱則力乏銷磨，故事肝風起而助火，肝火盛而引風，風因火發，火因風烈，

勢焰力猛，有如食甫入胃，不待脾之化與不化，逼迫十分，立即從大腸瀉出，菜羹俱下，而全穀依然，其泄也，其殮也，其所殮皆泄，其所泄皆殮，殮泄，泄殮，是殆傷於春，而病於夏者矣，嗟彼盲醫，動謂無殮非泄，無泄非殮，輒以為中焦寒極，與以理中四逆輩，則本變厲加，將有不為泄而為痢，不為殮泄，而為血痢矣，噫嘻，誤矣，差以毫釐，失之千里矣，其將何以治之乎，忖思春為時陽，風為氣陽，殮為食陰，因傷而泄，是乃重陽而變陰病也，我議圖之，散與四苓，俾除濕滯，香連芍藥，用去火風，是則不止其瀉，而其瀉自止矣，尙何殮泄之足云。

### 本刊第二十八期刊誤

第五頁倒五行第四五「桔倦」兩字應作「佶屈」。第十二頁倒二行倒十一字「和」應作「稊」。第十六頁第四行第十一字下應加「子」字。第三十四頁倒一行第十八字「初」應作「凸」。

# 杭州國醫公會主編 國醫新聞啓事

本及本會每星期出版現已出版至第十五期  
 並刊本會每星期出版現已出版至第十五期  
 全年共計出五十期  
 歡迎各界人士踴躍投稿  
 專載國醫藥界消息  
 會址：杭州佑聖觀巷三益里十號

# 專 著

## ▲聖方治驗錄 (續)

四川重慶鄒趾痕撰述

方巾巷常姓少婦產後血暈四肢僵冷瀕危復活驗案

民國二十一年三月，北平崇內方巾巷，住戶常姓婦，年二十一歲，產後下血過多，四肢逆冷，奄奄一息待斃，急延本地名醫三位，皆言不治，不出方而去，最後乃延趾痕，診其脈，微細欲絕而未絕，呼吸似無而一線未斷，知爲下血過多，陽氣下陷之故，然陽雖下陷尙未脫滅，尙可急救，於是處方，方曰：

製附片一兩二錢 乾薑六錢 童便一勺 猪苦胆汁一勺 葱白四莖 甘草二錢

語病家曰，只要藥能下咽，此病可救，初服頭煎，呼吸漸旺，服二煎，手脚回溫，全家大悅，街鄰驚奇，次日復診，脈弦兼滑，彼親戚皆曰，服熱藥之病，禁服生冷，趾痕語之曰，昨日服熱藥，昨日自應禁食生冷，今日要服涼藥，今日又當吃生冷矣。於是問病人曰，心煩口苦咽乾否，病人曰，心煩如焚，身熱如炭，趾痕曰，生陽既回，邪火大熾，經血空虛，此時又當服涼藥吃生冷大補精血矣，於是又爲之擬方曰：紋黨參六錢，黃芪五錢，生白芍四錢，黃連一錢，黃芩一錢，生地寸冬各三錢，大棗八個，甘草二錢，服一劑心煩小解，服二劑身大熱大煩渴，服三劑得大汗而熱退身涼，

病已愈矣，而復又腹大痛，嘔逆吐涎沫，此乃舊日伏藏之肝氣下陷奔豚上衝之病，又方曰：吳茱萸五錢，紋黨參五錢，生薑四錢，大棗八個，橘核三錢，川芎三錢，甘草二錢遂愈。

### 邢李氏之腹痛死裏得生驗案

邢李氏者，河北省安國縣人也，距城二十里明官店村居住，自民國十八年，氏年二十歲，即患腹脹腹痛，或隔三個月痛一次，或五個月疼一次，後來疼漸勤漸難支，每隔半月或二十天，便發疼發脹，發則疼劇不可當，面青，牙緊咬，不敢息，一二刻後痛乃解，病人最怕發疼，然而無法解免，經本縣名醫治療，未獲絲毫效果，延至民國二十一年七月，該病愈趨沉重，每日午後即疼，疼則胆落魂飛，先兩脇脹痛，繼則腹脹且硬，痛劇則死去一二刻而後復甦，求死不得，求免又不能，於是離開安國縣，求醫於外省，舟車跋涉，東奔西馳，一年之久，終未得真正良醫，病且每日午後必發，痛苦萬狀，於是病人身羸極矣，幾乎不能行路，至二十二年二月，痛忽不發，至五月痛又發作，疼痛如前，赴保定河北省醫學院治療兩月，絲毫無效，始來北平訪求名醫，寓東單牌樓中華公廨，經開市口仁德堂藥舖長樞劉體仁介紹，得就醫於鄒趾痕先生（以上皆邢李氏自述）

民國二十二年九月二十四日，趾痕診察病狀，此人腰部內有硬塊，上下左右竄走，其腹將痛時先噦嘔，月經不至十一月矣，知其腹內硬塊，係由月經停蓄，結成瘀團瘀條，因有腹腰脹滿，瘀血膨脹，竄走衝突之苦。（未完）

## ▲經方實驗錄

（續）

版權固有  
不准轉載

江陰曹穎甫先生撰述  
門人瑞安姜佐景編按



【小引】吾師曹穎甫先生，號拙巢老人，行年七十矣，用仲景方救世人疾苦者，垂四十餘載，其間大案疊出，闔里奉若神明，顧先生不喜筆而記之，以爲不屑爲也。偶爲之，則又爲諸弟子索以去，於是存稿乃闕如。愚不敏，侍診之餘，輒喜集諸案而珍藏之，其有缺者，復乞師講授。隨時筆錄而補之。更加拙按以伸其義，凡得二百餘則，編爲上下二卷，乃秉師命，顏曰經方實驗錄，蓋所以符其真也。本篇所刊，特其一斑耳，世有同好，相與錯研而教益之，幸甚。先生著有傷寒發微，金匱發微行世。又工詩詞，善畫梅，刊有梅花詩集，門人遍國中，若王一仁，王慎軒，秦伯未，許半龍，章次公，沈石頑諸氏，悉在其列云。編按者謹誌

【附言】如有關於本稿或本錄之賜教，請惠寄上海城內果育堂街一四四號姜佐景收爲荷。

續診四月六日擬方

此證自三月二十二日用調胃承氣湯下後，兩服涼營清胃之劑不效，其家卽延張衡山二次不效中止，後於三十日聞其惡熱渴飲，用人參白虎湯，至一日戰而汗出，意其愈矣，至四日，病家謂其右手足不伸而痠痛，爲之擬方用芍藥甘草湯加味（赤白芍各一兩，炙甘草五錢，炙乳沒各三錢，絲瓜絡三錢）。手足乃伸，今日病家來云，能食進飯，欲大便不得，小便赤，更爲之擬方如左。

生川軍一錢五分 芒硝一錢沖 生甘草二錢

拙巢註：下後諸恙悉愈，胃納大暢。

佐景按：戰而汗出是爲戰汗，若本案之戰汗，是陽明之戰汗也，大論曰，「凡柴胡湯病証，而下之，若柴胡證不罷者，復與柴胡湯，必蒸蒸而振，却發熱，汗出而解，」是少陽之戰汗也，又曰：「太陽病未解，脈陰陽俱停，必先振慄汗出而解，」是太陽之戰汗也，粗觀之，似三陽皆有戰汗，試

問病人何以欲汗，曰假此以透邪耳，設其人正氣充實，受邪不重，又得藥力以助之，則澀然汗出，了無煩苦，設不假藥力之助，但憑正氣與邪相搏，則其人略有煩苦矣，故大論曰：「欲自解者，必先煩，乃有汗而解，」設其人正氣虛弱，邪氣充實，即使得藥力之助，亦必須戰戰兢兢努力掙扎，方能得汗，而其外表不僅爲煩甚，當爲戰矣，故大論又曰：「問曰，病有戰而汗出，因得解者何也，答曰，脈浮而緊，按之反芤，此爲本虛，故當戰而汗出也，其人本虛，是以發戰，以脈浮，故當汗出而解，若脈浮而數，按之不芤，此人本不虛，若欲自解，但汗出耳，不發戰也，」本條詞句重疊，雖不類仲聖口吻，然而說理至精，可以奉信抑愚，尤有說焉，凡汗出而愈者，悉屬太陽之病也，夫太陽之戰汗，原不足以爲異，少陽病服柴胡湯已，其澀然或戰而汗出解者，蓋亦有太陽之邪，錯雜於其間也，至本案陽明病之戰汗，亦無非舊日太陽之宿邪，寄於肌表，醫不能善爲汗解，及其病已轉爲陽明，則液灼不能化汗，醫更無暇及之，及其後陽明病愈，陰液少復，病者自己之正氣，欲除久服之宿邪，故不得已出於一戰耳，由是觀之，曰少陽之戰汗，曰陽明之戰汗，特就其近病而言之，初非至通之論也。

戰汗者，破釜沉舟背城借一之謂也，戰而勝則生，不勝則死，一戰而不決則再三戰，以求其果，蓋久病之後，正氣不堪病魔之纏擾，故寧與一決雌雄，以判勝負，是故戰汗乃生死之樞機，陰陽所從分，醫者病家，當共深曉，爰錄三則，以爲參考。

傷寒證治明條云，「凡傷寒疫病戰汗者，病人忽身寒鼓頷戰慄，急與薑米湯熱飲，以助其陽，須臾戰定，當發熱汗出而解，或有病人惡熱，盡去衣被，逆閉其汗不得出者，當以生薑豆豉紫蘇等

發之，有正氣虛不能勝邪，作戰而無汗者，此爲難治，若過半日或至夜而有汗，又爲愈也，如仍無汗而神昏，脈漸脫者，急以人參薑棗煎服以救之，又有老人虛人發戰而汗不行，隨即昏悶不知人事，此正氣脫而不復甦矣，」又曰：「余見疫病有五六次戰汗者，不爲害也，蓋爲邪氣深不得透發故耳，又有二三次復舉者，亦當二三次作戰汗出而愈。」

醫林繩墨云：「應汗而脈虛弱者，汗出必難，戰不得汗，不可強助，無汗即死，當戰不得用藥，用藥有禍無功，要助其汗，多用薑湯。」

溫疫論云：「應下失下，氣消血耗，即下亦作戰汗，但戰而不汗者危，以中氣虧微，但能降陷不能生發也，次日當期復厥回汗出者生，汗不出者死，以正氣脫不勝其邪也，戰而厥回無汗者，眞陽尚在表氣枯涸也，可使痊愈，凡戰而不復，忽瘥者必死，瘥者身如尸，牙關緊，目上視，凡戰不可擾動，但可溫覆，擾動則戰而中止，次日當期復戰，」又云：「狂汗者，伏邪中潰，欲作汗解，脈靜身涼，霍然而愈。」

溫疫論又云：「溫疫得下證，日久失下，日逐下利，純臭水，晝夜十餘行，乃致口燥唇乾，舌裂如斷，醫者按仲景協熱下利治法，與葛根黃芩黃連湯，服之轉劇，余診視乃熱結傍流，急與大承氣湯一服，去宿糞甚多，色如敗醬，狀如粘膠，臭惡異常，是晚利止，次日服清燥湯一劑，脈尙沉，再下之，脈始浮，下證減去，肌表尙存微熱，此應汗解，雖不得汗，然裏邪先盡，中氣和平，所以飲食漸進，半月後，忽作戰汗，表邪方解，蓋緣下利日久，表裏枯燥之極，飲食半月，津液漸回，方能得汗，所謂積流而渠自通也，可見脈浮身熱，非汗不解，血燥津枯，非液不汗，昔人以奪血

無汗，今以奪液亦無汗，血液雖殊，枯燥則一，則知溫疫非藥可得汗者矣，「本節上半，可作自利清水大承氣湯之補注，下半可作愚說戰汗屬太陽病之別解。

曹穎甫曰：戰汗之屬太陽，爲前人所未發，蓋太陽有寒水，他經不當有寒水也，凡戰汗而愈之病，皆由太陽失表所致，在少陽一經猶少陽三焦爲寒水下行之精隧，而陽明已經化燥，則斷斷不應有此，而卒見此證者，或由其人水分太多上膈水氣猶在腸胃，已經化燥，水氣被蒸，化爲濕熱，與燥矢相持而不動，燥矢一去，濕熱不能獨留，乃戰汗而外出，數十年來偶然一見，要未可據爲成例也。

（未完）

### ▲雜病論新詮（續）

版權固有  
不須轉載

馬廠邢錫波編著

由鼻頭而推及於目，目雖肝之開竅，而實爲五臟之精華上注，故目睛必光明活潑，臟真乃足，故仲師於望法首示人以觀察鼻目之捷途曰：肺雖開竅於鼻，准頭却爲脾之部位，准頭色青，腹中必痛，以青爲木色，現於脾位，是肝木挾腎寒以侮脾土，故腹中痛，設又苦冷，是真陽暴亡也，故死不治，若鼻頭微黑，黑爲腎色，而現於脾位，是水勝而脾負也，故主有水氣，若色黃乃土鬱之本色，明堂雖爲土之部位，而竅實開於肺，肺位在胸，土寒生飲，逆傳於胸，故曰胸上有寒，若色白，多主亡血，以人面色渥然而丹者，爲五臟內蘊之精氣上華而然也，故經曰：「脫血者色白」，以血脫而面無血以華澤之故色白也，若微現赤色，赤屬火，現於土位，似屬相宜也，然非應見之時，見之則死，如亡血之家，血脫面色應白，而反成赤色，是陰血暴脫，真陽上泛之候也，故死，審證不獨驗之

於鼻，尤當驗之於目，若目形正圓，則直視不轉而至於瘳，是陰絕陽強，無以榮筋，筋脈急縮，上引目系，開而不闔，故目形正圓，直視不瞬，責在陰氣之絕也，故曰不治，產婦多瘳，即亡陰過多之義也，又色青爲木枯血滯，以肝爲靜脈，司吸收周身含有毒質之血液，毒質爲五臟之濁氣與飲食之濁氣化合而成，統歸肝臟收藏，再由肝注心輸肺，呼出炭氣，而化赤色，以循行周身，若肝病，則排濁之力弱，故皮膚呈青色，血質濁，有礙血之循環，故衝擊而爲痛，亦即經謂：「諸暴疼痛，皆屬於肝，」是也，黑爲腎氣，以腎司排洩，凡人身離經之血，則爲瘀血，離經之氣，則爲炭氣，皆屬體內之死物質，藏於身則化黑色，皆由腎臟所釀之分泌液，以排洩外出，若腎水虛，排洩之力弱，則炭氣蘊蓄太過，而呈黑色，故曰勞則傷腎，而色黑也，赤爲風者，風爲陽邪，內合於肝，故病風則上衝肝竅而目赤也，黃爲脾鬱之色，以脾司承上輸下，若爲濕熱鬱蒸，則降力太過，熱氣下陷，而灼下焦之脂膜，則發黃色，若升之太過，則胆汁升入血分，亦能發黃，脾病則運輸不敏，故便難，面目以潤澤爲鮮明，以黯淡爲憔悴，若內有留飲浸潤，面目不枯，故曰鮮明，此察色簡要之法也。（未完）

### ▲國醫傷寒課義

（續）

有著作權  
不准轉載

陳澤東著

又曰，大下後六七日，不大便煩不解，腹滿痛者，此有燥屎也，所以然者本有宿食故也，宜大承氣湯。

（註）此條亦誤下之證也，六七日不大便者，以誤下之故，津液未復也，煩不解者，表邪內陷也

，腹滿痛者，有煩屎也。

又曰，太陽病，寸緩關浮尺弱，其人發熱汗出，復惡寒，不嘔，但心下痞者，此以醫下之也。

（註）凡太陽病，邪在表之脈，例應寸關尺俱浮，今寸緩尺弱，只有關部浮，足見誤下邪聚在胸，陰陽俱傷之象也。本文無方，愚按當以梔子豉湯吐之，即愚製之附子麻黃羌活湯亦可服。

太陰篇有曰，本太陽病，醫反下之，因爾腹滿時痛者，屬太陰也，桂枝加芍藥湯主之。

（註）太陽表證誤下之變証，有結胸或心下痞。無腹滿時痛之証，腹滿時痛者。是太陰病也，故用桂枝湯，溫解其陷入營中之邪。加芍藥和營，以安脾也。

厥陰篇有曰，傷寒脈遲，六七日，而反與黃芩湯徹其熱，脈遲爲寒，今與黃芩湯復除其熱，腹中應冷，當不能食，今反能食，此名除中，必死。

（註）傷寒脈遲，是即直中之寒也，當以四逆輩溫之，或可救，乃以黃芩湯除其熱，是大誤也，寒證用除熱藥，當腹中冷不能食，今反能食者，是胃之正氣下脫，而虛陽上越也，雖能食而不能消化，故必死也，按黃芩之性能，與大黃相似而稍緩，對於傷寒裏寒之證用之，亦與誤下同也，故亦列入誤下門中。

●論誤水●

按傷寒之證，時有當用水之時，或在汗後，或在吐後，或在下後，皆因其表裏之氣初通，肺胃之津液不足自供，故可燒滾水乘熱飲之，可以去餘邪，可以增津液，可以清虛熱，然必須少飲徐飲，乃

可獲益，倘不渴而強飲，或多飲，急飲，皆能傷胃，必有停水腹脹之患，其有以冷水濯浴者，必致衛氣不復，變爲壞證，如西醫之冰鎮法爲害更劇，彼羊脂滿腦之醫，尙崇爲正法，其愚甚矣。

王叔和曰，凡得時氣病，至五六日而渴，欲飲水，飲不能多，不當與也，何者，以腹中熱尙少，不能消之，便更與人作病也。

（註）古人凡曰水者，多係生冷水，曰湯者，多係熟熱水，不可不知，然生冷水，若體壯之人，至熱結將潰之時，亦能出汗滑大便，若熱在表不結不潰之時，倘誤飲冷水，其弊與誤用白虎承氣等，必變心下痞結胸等證，若體弱之人，則死矣。

（未完）

## ▲傷寒問答（續）

沈肖卿著

血弱氣盡，腠理開，邪氣因入，與正氣相搏，結於脇下，正邪分爭，往來寒熱，休作有時，默默不欲飲食，臟腑相連，其痛必下，邪高痛下，故使嘔也，小柴胡湯主之，服柴胡湯已，渴者，屬陽明也，以法治之。

問曰，血弱氣盡，腠理開，邪氣因入，與正氣相搏，結於脇下，正邪分爭，往來寒熱，休作有時，默默不欲飲食，臟腑相連，其痛必下，邪高痛下，故使嘔也，小柴胡湯主之，服柴胡湯已，渴者，屬陽明也，以法治之，係論何症也。

答曰，此節係論傷寒病，病至六日，值厥陰受邪之期，邪氣化熱，由血分傳於厥陰肝臟，邪熱由血分傳裏，邪熱傷其營血，則血自弱，表邪入裏，肌表之邪熱雖盡，然表氣已虛，腠理已

開，於是復中之風邪，因之復入於裏，與正氣相搏，結於脇下，厥陰之腑少陽經也，正邪分爭，故往來寒熱，休作有時也，肝胆之氣，寄於胃中，主疎泄，今肝胆有病，胃家之運化力差，故默默不欲飲食也，脾爲臟，胃爲腑，脾胃以膜相連，故曰，臟腑相連，兩厥陰同氣，肝火旺，則心火亦旺，木尅脾土，則腹痛，心火犯胃，則作嘔，腹痛在下，心火在上，故曰，邪高痛下，故使嘔也，當與小柴胡湯，以和解之，照症服柴胡湯已，而口渴者，此爲氣分之餘邪，轉入胃中也，當以治陽明之法以治之，故曰，以法治之。

得病六七日，脈遲浮弱，惡風寒，手足溫，醫二三下之，不能食，而脇下滿痛，面目及身黃，頸項強，小便難者，與柴胡湯後，必下重，本渴而飲水嘔者，柴胡湯不中與也，食穀者，噦。

問曰，此節所論何症。

答曰，此節係論柴胡湯之用法，謂傷寒中風，病人脾胃有寒者，雖見柴胡症，柴胡湯則不宜用也。問曰，得病六七日，脈遲浮弱，惡風寒，手足溫，係論何症也。

答曰，得傷寒中之病，已經六七日，六日爲厥陰受邪之期，七日爲太陽受邪之期，脈遲者，寒邪已傳於陽明也，脈浮弱者，風熱已傳於太陽衛分，營弱衛強也，惡風寒者，肌膚仍有風寒之邪，阻其衛氣，不能出以衛外也，陽明有寒邪，而脈遲者，手足當冷，今手足反溫者，以衛分有風熱，衛氣強於外故也。

問曰，先傷寒後中風，風寒兩感之症，邪既已傳太陽，何以不曰太陽病，而必曰得病六七日何也。答曰，邪傳太陽，本可曰太陽病，以此節所論者，寒邪已傳陽明，而太陽之風寒未解，故不能曰



併病，又不能曰合病，而必曰得病六七日也。

問曰，醫二三下之，不能食，而脇下滿痛，面目及身黃，頸項強，小便難者，與柴胡湯，後必下重，本渴而飲水嘔者，柴胡湯不中與也，食穀者，噦，係論何症也。

答曰，醫者不知手足溫，係風熱在外之故，誤以爲邪熱在脾胃，而以承氣湯下之，陽明有寒邪，本不當下，今反二三下之，下後，胃中寒而不能食，風邪與化熱之寒邪，傳於肝胆，而脇下滿痛，木火尅脾，脾虛不能運化，濕熱瘀於中，故面目及身皆發黃色也，頸項強者，表寒傳於太陽經也，小便難者，脾虛不能運化濕也，又脾爲心之子，小腸與心相表裏，今脾臟有寒，復與柴胡湯，以寒其脾，則小腸亦必虛寒，小腸有寒，故必下重也，故曰與柴胡湯後必下重也，若病人本渴，而飲水嘔者，此非津液不足之口渴，乃係水氣不化，津液不得上升之口渴也，柴胡湯，則不中與之，其所以食穀而噦者，以胃寒不能消化食物，食滯於中，故必噦也。

問曰，不曰，與柴胡湯必下重，而必曰，與柴胡湯，後必下重，何也。

答曰，句中加一後字者，係辨下重症之寒熱也，謂柴胡症，脾胃有寒，誤服柴胡湯後，而下重者，此爲虛寒症也，若傷寒兼中風，寒邪化熱與風邪傳於肝臟，並未服柴胡湯，而熱利下重者，此又係下重之熱症也。

問曰，不曰，柴胡湯不可與也，而必曰，柴胡湯不中與也，何也。

答曰，此節非但謂渴者，即可與柴胡湯，係謂柴胡症，脾胃有寒，口渴而飲水嘔，食穀而噦者，

柴胡湯則不中與之，若柴胡症，胃中無寒，有邪熱，口渴而飲水不嘔，噦非食穀之噦，則柴胡湯又中與之也，因此，故不能曰，柴胡湯不可與也，而必曰，柴胡湯不中與也。

(未完)

### ▲傷寒要略 (續)

張蘭亭編

#### ▲瘧病

傷寒病，辨瘧方，有汗柔，無汗剛，卒口噤，背反張，面目赤，頸項強，陽不達，足寒涼，脈沉細濕症妨，臨症者，宜審詳。

(註) 傷寒瘧病，如發熱無汗反惡寒者，爲剛瘧，發熱汗出不惡寒者，爲柔瘧，是知瘧有剛柔之辨也，剛則宜用葛根湯，以發其汗，柔則宜桂枝加括蕒湯，以解其肌，金匱又有用大承氣者，然此症皆要詳細審查病情，必須絲絲入扣，一毫不走，方爲上工，經曰，因於風者，上先受之，故有身熱惡寒，頸強，背反張，面目赤，卒口噤，頭面搖，此皆風象無疑，故見此症，若夫足寒，是陽氣未及於下也，然脈沉細，是呈濕象，濕流關節，故有關節疼痛，濕又有清濁之分，而用藥有宜甘草附子湯者，有宜五苓散者，總以臨症細審，辨症用藥，庶可無誤矣。

#### ▲撮空

撮空證，手抓空，循衣床，病勢凶，太陽病，初中風，火劫汗，壞症稱，小便利，尙可生，陽明證

裏熱乘，手捻衣，摸床增，脉瀆死，弦者生，或可下，或可清，臨症辨，貴明通。

(註)傷寒撮空者，乃抓空循衣摸床之惡候也，其症有因太陽中風，以火劫汗，因成壞病，而爲循衣摸床之症也，若其人小便利者可生，若小便利，津液內竭者死，又有陽明病，裏熱極，而爲循衣摸床之候，若其人脉弦者生，而瀆者死，若譫語脈實有潮熱者，宜以大承氣湯下之，其餘未盡之邪，隨症清之，庶幾無誤也。

#### ▲陰陽易

傷寒病，新瘥間，氣與血，尙未安，合房室，毒易遷，陰陽易，理同參，二灰散，效若仙，葦根散可回天。

(註)傷寒新瘥之間，氣血未定，而合房室，遂至陰毒傳易，令人陰腫，體痛，頭不欲舉，眼中生花，少腹絞通，甚則手足俱拳，名曰陰陽易，其男子新瘥與婦人合房，而婦人患此者，名曰陽易，若新瘥之婦人與男子交合，而男子患此者，名曰陰易，其所易病之由，乃陰陽相感，而動其毒之所致也，主治之法，以二灰散汗之，其方卽手足指甲二十片。男病用女，而女病用男，中衣襠，近隱處，剪下一片，亦男病用女，女病用男，二味同燒作灰，存性，研末，分三服，不拘時用溫酒調下，或米湯均可，此法甚效，倘二灰散一時不能備齊，可用葦根散代之，葦根散方，卽葦根，括萋根各二兩，青竹茹，炮乾薑各半兩，細剉勻，分八服，每服水一大盞，煎至五分，去滓，入鼠糞末少許，攪勻，不拘時服，以效爲度。

#### ▲狐惑症

傷寒病，狐惑作，類傷寒，狀默默，臥與起，常反側，蝕肛狐，蝕咽惑，不欲食，聞嗅惡，面乍黑乍赤白，瀉心湯，是法則，雄黃散，效可擇。

(註)傷寒狐惑之爲病，狀類傷寒，或因傷寒而變成者，其勢默默欲眠，而目牽不得閉，臥起不安，有如輾轉反側之形，然其虫蝕於喉爲惑，蝕於陰肛爲狐，飢不欲食，聞食嗅則惡，面目時有乍赤乍白乍黑者，蝕於上部，則聲嘎，甘草瀉心湯主之，蝕於下部，則咽乾，苦參湯洗之，蝕於肛者，雄黃散薰之，活人書云，當看其上下唇，上唇有瘡，虫蝕其臟，下唇有瘡，虫蝕其肛，殺人甚急，多因下利而得，宜治蠶，桃仁湯，黃連犀角湯，雄黃銳散主之，蓋治此者，宜細辨之，隨證施治，庶可保痊矣。

#### ▲下利膿血

利膿血，辨數端，有下後，協熱愆，少陰病，四五天，便膿血，桃花煎，其餘症，仔細參，導法治，危而安。

(註)傷寒下利膿血者，其症不一，有因誤下後協熱便膿血者，乃熱邪下注之症也，有少陰病，下利膿血，又有至四五日，腹痛便膿血不止者，以桃花湯主之，又有傷寒，先厥後熱，必便膿血者，每下利脈數而渴，必清膿血者，是皆傳經熱邪之所致也，各隨其症以清之，倘以隨經之熱，誤認爲寒脫之症，妄投桂附，危患百出，臨症者，宜詳審慎焉。

(未完)

## 食物本草專欄

### ▲菓 品 類 (續)

編者王維仁

## 橙

氣味酸寒，形似橘而味香皮厚，理上焦之氣，止嘔有功，進中州之食，和脾堪效，能去胃中惡氣，寬中醒酒，兼解魚蟹毒，多食則傷肝氣，胃寒嘔逆，中滿滑瀉者忌之，不可與獾肉同食，昔有人誤犯，食頃便覺腹脹欲裂，上徹心胸，煩燥幾死，是以吾人於飲食間，切宜留意。

## 葡萄

味甘酸微瀋，氣平無毒，強筋燥濕，充肌益氣，又能通利小便，治熱淋瀝痛，亦可釀酒，惟多食則助熱，令人胸脇煩悶，按葡萄枝如籐蔓，冬踰春舒，三月間開小花，續即結實，至七八月成熟，能入肝與脾，爲二臟交補之菓，故能滋養筋骨肌肉也。

## 橄欖

氣味甘酸，溫澀無毒，入胃經，俗呼青菜，以此果雖已成熟，其色猶青，故名，白露後摘者方可食，能厚胃而止瀉痢，可下氣而清咽喉，消酒有效，解毒最靈，凡誤中魚鼈毒者，橄欖煮汁可解，魚骨梗喉，嚼橄欖汁嚥之即愈，然亦不可多食，多食則壅氣，所謂積溫成熟是也。

# 甘蔗

味甘氣平，無毒，入肺與胃腑，會和中而理逆氣，堪助脾而利大腸，亦能除熱止渴，定喘消痰，治噎膈，解酒毒，多食則發虛熱，孟詵謂，與酒同食能生痰，按甘蔗藏味甘平，具稼穡之化，稟中和之氣，為脾之菓，故能補脾潤燥，清熱瀉火，惟脾胃虛寒，嘔吐瀉泄者宜忌。

# 西瓜

氣味甘寒無毒，消熱止渴，瀉暑除煩，利小水，治血痢，解酒毒，療口瘡，有天生白虎湯之號，然性生冷，不宜多食，多食能令人發霍亂吐瀉，或夏月多食，至秋成痢，世俗貪食西瓜，以為甘露酒心，無非取一時之快，而不知其傷脾助濕之害也。

(未完)

## 審查徵集驗方

一至五集完全出齊

## 廉價發售

此書為本會會長。閻副委員長。以重價向民間收買之秘方。藥味簡單。價值低廉。配合便利。功效神速。可作醫家之參考。可供病家之顧問。男女老少。家居旅行。不可不備。全書五厚冊。定價四元三角。茲為普及起見，廉價二月。自即日起，至九月底止。合購全書五冊。只收三元二角。外埠郵費加一。

總售書地址 太原市中醫改進研究會  
新民街

### 修正 審查徵集驗方第二集出版

定價八角  
廉價五角

此書為山西省政府村政處派員在本省各縣區村徵集之民間驗方。經本會嚴格審查，精謹抉擇。編輯成書。初版問世。甫經二年。已將全數售罄。惟初版成書倉卒。訛誤不免。現已重加修正。另行編印。全書一冊。定價八角。廉價五角。外埠另加郵費一成。

## 雜 誌

### ▲桂枝湯非發汗劑 (續)

潘柏辰

只有一層：執定芍藥在腹診上有「直腹筋拘攣」之候，似乎印合不到師論上所表示的各節，我以為內而「腹中痛」，外而「身疼痛」，都與「拘攣」有關，不信，請先言「腹中痛」，師論上表桂枝加芍藥湯主「腹滿時痛」，可以尋出些道理，至論「身疼痛」哩，師論上分明說，「吐利止，而身疼痛不休者，當消息和解其外，宜桂枝湯小和之。」

由是，可說桂枝湯治身疼痛，有「和外」的可能，治腹中痛，有「緩中」的可能。

而且，「緩中」，不但從腹中痛認出，就談所治上衝乾嘔頭痛等候，不也是緩中的可能麼？「和外」，不但從身疼痛認出，就談所治發熱汗出惡風等候，不也是和外的可能麼？

如果曉得桂枝湯是「緩中和外」的方劑，然後再把師論上所論桂枝湯各節，加以一番思考，即可知道桂枝湯非發汗的方劑，其所以「服後啜粥，覆取微似汗」，正藉穀津磅礴，以完成牠「和外」的工作。

不然的話，師論何以說：「太陽病，頭痛，發熱，汗出，惡風者，桂枝湯主之，」又何以說，「若其人脈浮緊，發熱汗不出者，不可與也，」可是脈浮緊發熱汗不出者，自然需要麻黃湯，（麻黃

杏仁桂枝甘草）發其汗，假使桂枝湯能算是發汗的方劑，則師論上「小發汗法」，倒不得把牠更合麻黃湯用哩。

桂枝湯與麻黃湯合方，師論上備有兩個例子，（一）桂枝麻黃各半湯——即桂枝湯麻黃湯各用十分之五服後不須啜粥，——「太陽病，得之八九日如瘧狀。發熱惡寒，熱多寒少，其人不嘔，圍便欲自可，一日二三度發——脈微緩者為欲愈也，脈微而惡寒者，此陰陽俱虛，不可更發汗更下更吐也——面色反有熱色者，未欲解也，以其不能得小汗出，身必癢，宜桂枝麻黃各半湯，」（二）桂枝二麻黃一湯——即桂枝湯二分麻黃湯一分，服後亦不須啜粥——「服桂枝湯後，大汗出，脈洪大者，與桂枝湯如前法，若形如瘧，一日再發者，汗出必解，宜桂枝二麻黃一湯，」由這麼考查結果，不但證明了桂枝湯非發汗的方劑，而方劑裏頭「複方制」的法子，有種種變化不同，也就可以領悟個大概了！

「完」

## 本刊發售彙訂本啓事

敬啓者 敝刊自創辦以來徵聘國內國醫名宿投稿協助作品一出燦若星辰是以醫界學界商界注重衛生之家極端歡迎內分文件辨駁論壇專著雜誌時定急救實瑣聞社會義務等專欄凡古今中西醫理之精粹及治療大症方法效驗之神速有庸俗所不可及者凡吾同胞不可不人置一編藉以自衛今將以前之刊物由第一期至第十二期彙訂厚冊減價出售以優待閱者原定價每十二冊大洋三元今按八扣合計每一彙冊售大洋二元四角不取郵票郵力在內特啓



## 醫界消息

### ▲劉瑞恒案檢查官起訴書(續)

侵款可查者十八萬餘元 偽帳累累公館改爲宿舍

其中二十三年九月份電話單據第五百零一號，係就原寫戶名衛生署署長劉公館等字，塗改爲衛生署宿舍字樣，贖支公賬，業經審計部逐一查明有據，予以指駁，並函由行政院轉令申斥在案，經向審計部抄錄關係文件，計二十一件，詳核無異，訊據劉瑞恒亦已直認不諱，惟以誤會爲詞，以相辯解，殊不知時歷三載，款逾鉅萬，非造報員司所得誤會，而劉瑞恒身爲署長，此項冊報，既經過目，更難諉爲不知，況經訊據自稱從未自己付過房租等費本屬明瞭等語，是其有意蝕公肥私，百喙莫辭，雖經上級長官予以申斥處分，究於刑事上連續侵占公務上持有物之罪責，無可能免，至於電話單據爲誰實施變造，縱難得實，但其以之造報附送審計部，則屬責有攸歸，是以應負行使變造公文書之責任，甚爲顯著。

據上事實，被告等共同連續侵占業務上所持有之中央醫院款項，該劉瑞恒張鴻緒吳康年係共犯刑法第五十六條第三百三十六條第二項之罪，至陶世傑則於民國二十三年間辭職他往，其侵占行爲，即於是時終了，是其犯罪時期，尙在刑法施行以前，比較新舊刑法本刑，雖屬相等，而因連續犯

之關係，實以舊刑法爲有利於行爲人，自應適用該法第七十五條第三百五十七條第一項處斷，又劉瑞恒連續侵佔衛生署公款，及行使變造公文書之行爲，其犯罪係在舊刑法有效期內，依刑法第二條第一項但書之規定，比較新舊刑法，亦應適用舊刑法第三百五十七條第一項第二百零三十三條第一項第七十五條第七十四條處罰，合依刑事訴訟法第二百零三條第一項第二百零四十三條提起公訴，此致首都地方法院。

中華民國二十五年六月十九日

檢察官張維東

(完)

### ▲皖省時疫蔓延

巢縣最烈 已死二百餘人 衛生署派員施救

【蕪湖快信】入秋後時令不正，疫癘漸行，蔓延區域，與日俱廣，若巢縣南陵當塗貴池等地，均被波及，而以巢縣爲最烈，其第四區內各村鎮，十日來染疫而死者，已達二百餘人，病狀則係先頭痛，不能言語，繼而上吐下瀉，越二三日即斃命。第三區境內。六畜俱瘟，察係爲桑黃痢疾，貴池之觀前鎮患瘧疾傷害者，比戶皆是，死亡日有所聞，當地官廳，亟設防疫施藥所，仍難遏止，固爲缺乏新醫藥設備，救治不週，同時亦鄉間迷信過深，是以此次疫癘之傳播，亟爲猖獗，衛生署特派醫師馮如林，技術員應錫仁等，攜大批藥品來蕪，以據報巢縣鄉間較烈，即渡江乘淮南車，前往施救，然後再轉往他處防治云。

# 專 載

## ▲中醫衛生設施方案 (續)

天津市中醫公會陳澤東擬  
以應中央國醫館之徵集

溫病，係風熱暑濕燥寒六氣之偏，中之於人伏鬱而發者也，其症象煩多，非著專書，不能罄其蘊，茲姑略舉其簡而要者言之。

按溫病之邪，當初受之時，無論其爲何氣之偏，皆由皮毛而入，伏於膜原，膜原之外，即太陽之經，太陽之氣，外達皮毛，故溫邪由膜原發動之時，皆欲循太陽之舊路而出，其病狀與傷寒太陽病相似，故治溫病之初步，以發汗爲前驅，惟因其邪根深，一汗不拔，反增煩燥不寧，身熱口燥之變，遂疑發汗錯誤，即改弦更張，以滋陰降火清熱涼陰之法投之，溫邪內伏，至死而後已，此中之蘊奧，惟喻嘉言王於聖陸九芝三先生知之，其餘者皆盲人也，會源素擬一方，名曰豆薳湯，凡遇溫病，即用此方，隨症加減，皆獲實效。

### 豆薳湯方

黑豆卷 錢五 藿香葉 二錢 草菓 八分 雄黃 八分 檳榔 錢五 麻黃 二錢五 (在暑月易紫蘇葉 二錢五)  
生甘草 二錢 土炒葛根 二錢 厚朴 二錢

右九味水三盅煎一盅，蓋被服，取透汗，如汗不透再作服，以汗透身涼爲度，後附加減法。

(一) 風溫，頭運目眩，身熱惡寒，無汗，脈浮弦，尺脈微數，口不渴，舌苔微黃，頭痛甚者，依本方加羌活一錢五，如頭不痛者則不加，口苦者加柴胡一錢，口不苦者則不加。

(二) 熱病，頭運目眩，脈浮大，尺脈甚數，舌苔黃而薄，身熱無汗惡熱，口渴者，加麻黃葛根各一錢銀花三錢，不惡熱則不加。

(三) 暑溫，頭運目眩，身熱而重，脈大而軟，尺脈亦微數，舌苔淡黃，胸滿者加香薷二錢草菓檳榔各八分，不胸悶則不加。

(四) 濕溫，頭重身重，身微熱，目微黃，舌苔灰黃而膩，口不渴胸滿者，亦加香薷二錢草菓檳榔猪苓車前各一錢，其頭面腫者，是濕邪中上也，即大頭溫也，依本方加羌活二錢檳榔紫厚朴車前子各二錢五，如身重足酸軟，不能起立者，是濕邪中下也，即軟脚溫也，依本方加羌活獨活各二錢附子猪苓各三錢，得臭黏汗出必愈，如用滋陰降火，或清熱涼陰等法必死，甚勿爲潮流慣見之治法，爲可信也。

秋溫病，係暑月濕熱之餘氣，被秋風所束閉而成，其病狀則頭運心煩，身熱無汗，咳嗽足軟，舌苔淡黃疎散，口燥不渴，此燥邪傷肺液也，依本方去草菓加白菊花金銀花各二錢五，水煎服，得透汗後，再易七味菊花飲，以清其餘邪必愈。

七味菊花飲方

白菊花 三錢 薄荷 二錢 香薷 二錢 竹葉 三錢 厚朴 二錢 葛根 錢五 車前子 二錢

右七味，水煎乘熱服，仍以得汗爲佳。

如身緊身痛，寒熱往來，似瘧非瘧，是秋溫之重者也，須依豆薤湯本方，加羌活柴胡山甲  
鼈甲青皮各一錢五，倍檳榔草菓。

冬溫病，亦係暑月濕熱之餘邪，被秋風束閉，至冬月天氣反溫，忽又反寒，被寒風所激，而冬溫成矣，此症初起之時，身熱頭痛，脊緊腿酸，微惡寒，脈尺寸俱浮，與傷寒相似，但以口微渴舌苔淡黃，尺脈數爲分辨耳，依豆薤湯本方羌活山甲各二錢，倍麻黃黑豆卷，如舌苔白薄，尺脈數而不甚者加附子一錢五，水煎蓋被乘熱服，取臭黏汗，汗透必愈。

#### 附溫痧（西醫名猩紅熱）

溫痧病，係先感天地風熱濕之邪，傷於皮毛腠理肌肉，當時不發，匿在太陽之結，再感天地不正之氣，激觸而發，仍循初受之時，太陽經之舊路而出，其症狀，頭痛，身大熱，無汗，目赤弦濇，口燥不渴，舌起赤刺，苔淡黃，咽喉或腫或不腫，脈象寸關浮濇，尺沉數，此皆痧毒內伏也，以豆薤湯本方，加山甲皂刺各二錢，猬皮蟬退蛇退各一錢半，水煎服，得臭黏汗出，痧點必出，如不透再按前方服，以痧透身涼潤爲度。

#### 附黑熱病

黑熱病，係濕熱之邪，伏鬱胸膈，亦傷寒變化而成，初起之時，脈象浮弦，病象則頭痛寒戰身熱，待牽延日久，或兼誤治，則胸脇悶痛，且有痞塊矣，此症當以麻黃枳實湯主之。

#### 麻黃枳實湯方

麻黃<sub>三錢</sub> 只實錢 桔梗<sub>八分</sub> 葛根<sub>二錢</sub> 葦葉<sub>二錢</sub> 杏仁<sub>二錢</sub> 附子<sub>三錢</sub> 羌活<sub>二錢</sub> 紫朴<sub>三錢</sub>

草菓錢 檳榔三錢 山甲二錢

右十二味，水三大盅，煎一盅，蓋被服，出透汗，避風可愈。

### 附驅疫散方

蒼朮 藿香各三兩 鬼箭羽 川大黃各二兩 明雄黃二錢 火硝錢

右六味，共軋極細末，每晨取少許在屋內焚之，如令香店作成香條尤妙，如逢溫疫流行之年，無病之人，取此散少許，以新棉花裹塞兩鼻孔，可免傳染。

以上，凡傷寒時疫溫病各症，汗解以後，至七八日，身熱有汗，病不了了，不思飲食，大便不結燥，苔黃薄者，則與以白虎湯，大便結燥或瀉赤黑膠黏極臭舌苔黃厚者，則與以承氣湯，其上焦痞悶舌中下焦燥實拒按者，與大承氣湯，上焦痞悶，中下焦不燥實拒按者，則與小承氣湯，上焦不痞悶以中焦燥實，或瀉赤黑膠黏者，則與調胃承氣湯。

### 白虎湯方

生石膏四錢碎棉裹 知母二錢 生甘草二錢 粳米二錢

右四味，水三盅，先煮粳米二沸，去米，再入前三味，煎二沸服之。

大承氣湯方：川大黃三錢生用 枳實一錢 厚朴二錢五 芒硝錢五

右四味，水三盅，先將前三味煮二沸，然後再入芒硝，以淨竹箸攪之即服，大便利為度。

小承氣湯方：依前方去芒硝，煎法同。

調胃承氣湯方：依前方去枳實厚朴加生甘草二錢五煎法同。（完）

# 社會義務欄

編者 志學

第十二號

灌輸醫學常識，公開經驗良方  
担任醫藥顧問，解答疑難問題  
救濟赤貧疾病，組織義務施診  
介紹特效藥品，供給醫界新聞

本欄目次

常識  
驗方四種  
驗方(婦女病)  
醫藥問答

## ◎常識◎ 淋濁之認識與自療法

查淋濁一症，為社會普通病之一，尤以處此繁華，極易感染，倘認識不明，治療失當，則足以貽害終身，可不懼哉，田君爾康，為山西中醫研究會理事，學貫中西，蜚聲醫界，前以懸壺來津，並膺益世報顧問。茲將其近作淋濁之認識與自療法，錄登於此，以為患本病者之參考焉。

編者附識

淋濁為性病之一，由不潔之交媾，侵襲淋毒球菌而成。西說分為急慢性二種，以淋濁為一症；中說分淋濁為二種，以淋有五，氣，血，膏，砂，石淋是也；濁有二赤白濁是也。竊以凡患淋者，未始非由急性而轉為慢性，從無直接而發慢性者，是所謂急性慢性，乃因愈與未愈時間上之差別耳，慢由急來，原屬一體，可謂淋濁中之細目，而非分類之大綱，此其一。中說所謂之淋症。非現世之所謂淋症也，簡言之，中醫根本無現代淋症之學說，古之所謂淋症，乃膀胱濕熱，小便淋瀝不利，類似淋症而非淋症。至所分五淋，尤屬欠切，氣淋，言其因；血膏砂石又形其病象，甚且又有勞

淋，虛淋，熱淋等等名詞，龐雜紊亂莫此為甚。其他赤白二濁，乃慢性淋症之症象，非另有濁症也。蓋濁即是淋，淋即有濁，初無二致。然以類似之淋濁，往往誤認為毒菌之淋濁，因之凡患淋者，不問其確否涉足花叢，概以性病目之，未免冤枉好人，此為經驗之事實，非虛語也。今將本病分為二類，一為細菌性淋症，一為濕熱性淋症，庶使患者各自酌度，免却驚疑，據實求治，是余之望也。

●驗方四種●

(一) 硃砂老丹方

楊卿翥傳方

- 1, 藥方：生川軍錢 熟川軍錢 明綠豆二兩 古月兩 檳榔二錢 廣木香二錢 巴豆霜五錢
- 2, 製法：共研細末，陳醋為丸，如黃豆大，以硃砂二錢為衣，每服八丸，重五分○
- 3, 主治及服法：治腫脹膨症，以葱白帶根三顆，剪水送下，治心痛以薑水送之。
- 4, 注意：用藥之後，必下瀉二三次，若瀉重，飲小米湯即止，忌食鷄子雞肉香油腥冷三日，小兒每服四丸，孕婦忌服。

(二) 調經丸方

- 1, 藥方：酒當歸兩 川芎兩 丹參兩 紅花五錢 莪朮五錢 香附五錢 陳皮五錢 赤木五錢 黑丑三錢  
紅月季花兩
- 2, 製法：共研細末，煉蜜為丸。
- 3, 主治及服法：專治婦女經血不調。每日早晚各以黃酒送服一丸。



4，注意：僅用三五丸可愈（重者亦有服十餘丸者）不效時，勿多服，孕婦忌用。——未完——

## ◎驗方◎

### 婦女病驗方輯要（續）

編者

#### 附小兒初生門

小兒初生，調護最難，稍有不慎，輒易發生疾病，茲篇所輯，皆係小兒初生所應注意者，特附錄於產後門之末，蓋以產後，與小兒關係密切，不可忽視也。

一，小兒初生，斷臍帶以艾絨爲燃，麻油浸濕，薰洗臍帶，至焦方斷，束臍用厚綿軟帛束緊，勿令沾濕，浴不宜早浴，湯中用猪胆汁一枚，可免衆瘡。——未完——

## ◎醫藥問答◎

陽泉樊書田君問：達元先生鈞鑒，不奉教諭，倏忽數月，系念之私，無間兩地，敬維道履冲和，潭第安吉爲頌，敬懇者，前承賜各方，諸多愈瘳，惟賤內不肯繼續服藥，遂至今日尙不了了，慚甚惜甚，刻間同學劉寅階君暨同事寶溫儒女士素知貴會醫理精奧，藥方純靈，以故再三委託後學轉懇爲彼診治，後學以情節攸關，難事擺脫，故敢懇先生務抽暇爲彼等診察並擬方藥，一俟痊愈則感激者豈單一二人已也，轉此敬請道祺

後學樊書田鞠躬

再者，尊著喉科論現時已否出版？傷寒課義方解能否先期賜擲以便早日誦讀？尊照刻下有無？如有萬懇恩賜以慰孺慕！又傷寒課義賜來者，統已熟爛，並親謄錄一本，以資遇症簡捷考查，至其

方解如能先期賜來，則後學當晝夜謄錄，錄畢自必璧還，不知可否？附呈病狀二則。

劉海泉，現年七十一歲，忽於陰曆三月初七日晨，因事出門，行未百步，驟覺頭暈語亂，及自行返家後，家人見勢沈重，即扶之上床，上床後已不省人事矣，外症仰臥，目直口開，手撒不語無痰聲，立服蘇合丸兩個，服後外症仍舊，脈象左手三部沈滑而軟，右手脈關尺弦直，略帶緩象，寸部和緩，如是一晝夜，突於初八日早晨，脈象仍舊，惟外症增加瘦癯加甚即入仰臥目直而厥者日三四起，陰尚帶縮，過行即行稍緩，如是者二日，後即不大瘦癯，雖時瘦癯，只手足畧動，片時即行病過，當初八日早，初時發生本症入於厥狀時，脈象仍舊，惟少腹內臍右有動氣，上衝至膈按通常急救法扶坐呼喚外用人參沉香各五錢燉服，服後漸行蘇醒，當服滌痰湯與小續命湯加減合和方濟一帖數微，病尚見甚，遂改服金匱腎氣丸加海沉香石菖蒲磁石遠志棗仁炒圓肉柴胡鬱金白芍蘇子，連服十五六帖，病狀脈象，較前略有愈象，惟語言蹇澀，似有健忘症狀，使有人對病人當面口授，則種種語音，悉能說出，惟使其本人自己道出，則雖日用物名及家人名字亦難說來，不過大小便飲食全身肢體悉仍舊，腹內之氣，於發現第二日即行移位，好似到臍正中，第三日即行偏左，於十一十二兩日請鍼灸醫士，曾灸足三里各三壯後氣即不如前衝，現時外症概無他症，全身面目目光已漸回復病前狀態，所現者，惟語言雖能略述常語尚帶蹇澀，脈象兩手均屬和緩，惟起伏之勢不甚偏屬沈分，痰涎從口腔滲出者日益加甚，一日總計約有半升許，胸中略有痛楚之勢，惟病者一生甚健，處境不無抑鬱之情，性情頗屬疾燥，自上方加減服十數帖後，即行煉丸早晚各服三錢，至今尚未改方，不知今後症狀能否再為救藥也。

寶溫儒<sup>後學</sup> 本年女同事，年十九未出聘，惟執拗寡言語，素膽怯善驚恐，父母並故，只有胞姊弱弟伯叔分炊，業經數載，家境小康，曾於數年前其母病故時，寐中醒來驚駭心神，嗣後驚悸不時，精神恍惚，經水適來佛意事又刺激遂致經閉，全身違和，膝膕以下發生紅扁疔疽，後又延及全身頭面，經多方醫療始告痊愈，此其遠因遠證也，但近時此證又發，其現象爲身體胖脹食量減少，頭時暈痛，面色稍赤，口渴不欲飲，舌生赤點，經期無定，下紫色物帶有塊狀，膝膕下時常冰冷，但時亦發生大熱，時腫時殺，且生紫色疔疽多數，已至足底，覺甚痛，四肢厥熱無定，經來惡心怔忡，經後白帶繼來，手足常自汗，大便初肛門痛疼，糞下即破而流血，全身毛孔閉結成疹狀，已故外觀之如生疹，脈象朝暮迭變，惟弦濡之象不拘何時皆有也。

澤東答：書田先生覆鑒，所詢傷寒課義方解，原稿雖成而草舛未清不便閱看，喉科論亦未出版，至僕小照一節，因不時有病氣色不佳，故未照像，湖南曾覺叟先生亦索僕之小照，待照成時再分贈諸君可也專覆即頌

道祺

答寶劉二君之病列後

寶君溫儒之病，係肝鬱受邪濕痞陷人病脈也，當以舒肝散風通經脫解法理之，瘡毒解，經血之病亦可愈。

附方：

麻黃 三錢 生葛根 二錢 柴胡 二錢 羌活 錢五 附子 二錢 肉桂 二錢 山甲 二錢 皂刺 二錢 蛇退 一錢 香附 二錢 枳實 一錢 紫朴 二錢

右十二味，水煎乘熱服，溫覆發汗，忌食腥冷，避風戒勞碌怒氣，服二劑再來信。

劉海泉君之病，是中風在經也，前服各方不治，故延緩不愈，今仍當以散風通經爲宜。（附方）

秦艽二錢 麻黃三錢 細辛一錢 葛根二錢 柴胡一錢 川芎一錢 香附錢五生 青皮錢 附子三錢 肉桂三錢  
山甲三錢 皂刺三錢 枳實一錢 紫朴二錢

右十四味，水煎服，溫覆發汗，忌食腥冷，避風，戒怒氣，服二劑再來信。

秦皇烏班若夢君問：澤東大夫鈞鑒，日昨接奉 尊翰，示答均一一拜悉，乃又承在本期醫刊中詳悉示答，展讀之下，尤為感謝不已，所示益母草白芍藥兩味，對產後不可用云云，茲閱該原方所列治病特多，故再將原方寄上，請付審查，祈 便示知，以便轉為關照施方者注意，又附上唐山李宅印送保產一方，亦請付審查祈 示知，查胎前產後驗方甚多，如浙江蕭山縣竹林寺之婦科秘方，鄙人得到一本，但內列各方從未送人試用，又肺癆之病，目下最盛，往往服藥多無效，蓋亦係病者多不知靜養所致，未悉初期病者，究以何法何藥為佳，上海三友實業社所售之馬寶如何，有人云，驗癆虫之法，用乳香燒烟薰病者手背，男左女右，另以細帕蓋手心，良久有毛從掌中出，白者可治，黑者不治，未悉此法有效否，以上倘蒙不棄，即希抽暇示答，則感謝無既矣，此頌

道安

（附二百五十餘歲老人照片一紙祈笑收）

班若夢拜上

澤東答：若夢先生覆鑒，昨接來函，備悉一切，並他人施方治婦人藥方一一審查。保產簡便良方可用。如婦人身肥，可將莢肉熟地二味減去。以免壅膩。如身瘦則不必減去。至婦科至寶得生丹之方。斷不可用。按治產後大法。以去鬱生新為主。凡寒涼瀆斂上竄之品。皆不可用。而且行氣之藥。須周通不偏，方無流弊，今其方中，益母草性陰涼血，白芍斂血伐肝，芎藭上行力大，能引敗血逆竄，劑量且太重，木香雖云行氣，而偏行肝脾，如無行肺胃之氣藥相輔佐，亦生流弊，其所列治症

，三十餘條之多，而與其方藥多不合，此蓋無知好名者之所爲也，竹林寺女科之方，無甚詳細論說，用時必須細審病者之情狀選擇用之可也，至肺癆之病，到處繁多，此乃天地之氣化殘雜，人身之秉賦薄弱所致耳，其初起之時，皆因氣虛受風而成，乃一般不持刀之劊子，妄用清熱養陰潤肺斂肺之品，則邪風內陷而肺癆成矣，及至身瘦乾熱晝夜不得臥即不能救，如在初起之時，即用散風順氣之法，邪盡氣平，再易以補氣和血之法無不愈者，即咳嗽吐血初起之時，必須亦用此法，方可痊愈，至馬寶治肺癆，乳香薰手背驗肺癆等法，僕向無此種經驗，不敢妄詳，請閣下自試可也，專此即頌

道安

(附方二)

又，二百五十餘歲之老人可稱國瑞，僕稍暇亦有評議登載 敝刊，藉以勸戒無恥淫亂者也。

### 第一方：

生麻黃 二錢 葛根 二錢 杏仁 錢五 桂心 錢 附子 錢 白芥子 錢五 川厚朴 一錢

右七味，水三盅，煎二沸服，取汗避風，忌房事及腥冷食物，如一劑嗽不止，再照原方服，嗽止易後方。

### 第二方：

雲茯苓 三錢 清半夏 二錢 生口苳 三錢 當歸身 三錢 萊菔子 錢五 廣陳皮 錢五 生甘草 二錢  
右七味，水三盅，煎一盅，空心乘熱服，禁忌同前。

國醫正言定閱單

戶名	地址	期數	書費	日期
		自第 期起至第 期止計 份	計洋 元 角 分	中華民國 年 月 日 定

定閱處 天津東門內文學東  
 道國醫研究會內  
 定閱者 請將此單剪下填  
 齊附款寄交本刊

定報價目表

全年十二冊	零售每冊	冊數	國內	香港及南洋	歐美
	半年六冊				
二元	二角	二			
三元	三角	三			
五元五角	五角	五			
	一元一角				
	一元六角				
	二元九角				

郵費在內不另取資報資先惠不收郵票

廣告價目表

正文後	封皮裏面及目錄前	封皮底面	地位	
			面積	全/半/分
六元	十元	十二元	全面	全面
三元五角	六元	七元	半面	半面
二元	三元	四元	四分之一	四分之一
一元五角	二元	二元五角	八分之一	八分之一

本報對於國產飲料食品廣告價目格外從廉  
 此表係一期價目登三期以上九折六期以上八折全年七折  
 (但逐期續登期數未經規定者不在此例) 插圖另議  
 以上各費一律大洋均須先惠不收郵票

# 本刊編輯部審查員

王世珍 紹蔭

許宗彝 從周

張少仙 品棣

王世鈞 冠華

劉廷文

李鴻儀

劉金詔

張振芝

張靜齋

侯繼志

趙少廷

潘春臺

國醫正言 (月刊) 第二十九期

中華民國二十五年十月一日出版

編輯主任 陳曾源 澤東

編輯 周偉 蘇甫 孫鳴山

沈肖卿 趙瑞升  
齊志學 張蘭亭

發行者 天津市國醫研究會

會址 天津市東門內文學東箭道  
借用陳宅電話五局一六八九


印刷者 天津益世報館

## 本刊代售處

本埠	大胡同 江東書局
北馬路 直隸書局	大通書局
法租界 天津書局	
外埠	武清 慶豐棧諸葛希武
上海 四馬路上海雜誌公司	
福州路四三六號大公報代辦部	

標

虎



◀ 坡 嘉 新 ▶

● 行 分 津 天 堂 安 永 標 虎 ●

號 九 牌 門 路 號 六 十 二 界 租 法

三 三 一 四 三 話 電

八 卦 丹

是却除口臭除穢辟毒  
仕媛交際的仙丹！  
一各中西藥號廣貨莊紙烟雜貨舖均有代售二



是提神醒腦止咳化痰  
旅行必備的良伴！

萬 金 油

是春夏秋冬須臾莫離  
的平時衛生秘訣！



二招請鄉村縣鎮代售處本行特備有詳章函索即寄三  
是內服外擦萬試萬靈  
的家庭常用妙藥！

清 快 水

是增進食慾消風導滯  
之不二方！  
一各中西藥號廣貨莊紙烟雜貨舖均有代售二



是清潔腸胃補助消化  
之唯一法！

頭 痛 粉

是降火疎風補腦活血  
之非常品！



是立止頭痛精神助氣  
之特效劑！